

Ў з м д ж т а п р о р а б

Комсомолец Виктор Булычев, хойр джил хооран Ленинск комсомолин путевкар Хальмг таньгчур ирлэ. Комсомолец, багъ-наста тосхач Приозерн района Чкалович нертэ совхозд тосхлтин прораб тавгдлэ.

Виктор Булычев, ирснэнь маньгьдур өдрэс авн совхозин тосхлтин көдлмшлэ таньлдв. Совхозд тосхлтин шишлнэ көдлмшчир уга билэ, тосхлтин цуг көдлмшиг наамадин көдлмшчир кедг баас-мн.

Энүнэ түрүн кергнэ — бээрн улсас тосхлтин көдлмшчирин кадрмуд бүрдэлгэн болв. Тосхлтин көдлмшин чинр өөдлүүлгэн — тосхачнрин кадрмудла залгылдатаг эн сан меддг билэ. Тегэд Виктор Булычев, тосхлтин көдлмшт багъчуд орулад, эдниг сургьад, джилин сүүлэр тосхачнрин тоог 30-д күргв.

Прораб Виктор Булычевин

гардврт, совхоз нидн джил тосхлтин зурагъан күцэгъад, хөочнрин хошад пэтртэ 14 гер, 4800 хөн багтм 6 кошар болн үвлэр хөд хургьлулхд кергтэ дулан 6 хаша тосхдж, эдлврт өгсмн. Совхоз 940 миньгын арслнэ мөнэгнэ тосхлтин зурагъан 1 сай 100 миньгын арслнэ мөнэгид кегъад, тосхлтин көдлмшин зурагъан 117 процент күцэсмн. Эн джилин тосхлтин зура нидн джилинэс күсдундур холван икдүлгдсмн.

Тосхлтин участкин коллектив, Алдр Октябрин 41 джилин бөнд тосхлтин зурагъан күцэгъад, амтн бээдг 18 гер, 15 ормта больницин гер, магазинэ болн конторин гермүд, 6 кошар, дулан 6 хаша тосхдж эдлврт өгх даалгьвр авла. Ода тосхлтин 7 сара зура 140 процент күцэгдв. Амтн бээдг 8 гер, дулан 6 хаша, 4 кошар, магазинэ гер болн столярн мастерскойин гер тосхгддж, эдлврт өггддж одв.

Прораб Виктор Булычев, төрскн газрун ирсн хальмгөркбүлмүд бийстэн гермүд бэрдж авлгэнднэ ик гидг оньган тавнэ. Эднэ төлэ эн джилд амтн бээдг 40 гер бэргдхмн. Багъ наста прораб ахр цагин эргцд тосхачнр дунд ик гидг тоомср зүүв. Тосхачнрт, багъ наста десятникүдт эн эврэннь дамшлтан саянар медүлдж өгнэ. Тосхачнрин — Годжуровин, Ониковин, Гавардаевин болн Яхтина бригадс ўзмджтэ саянар көдлэд, көдлмшин кемджэгъан өдр болгын 170-180 процент күцанэ.

Виктор Булычев — комсомольск организацин сеглэтр болад, тосхлтин зура күцэлгэнд багъчудин социалистическ дөрлдэ саянар бүрданэ. Эн бийнэ — көдлн бээдж тосхлтин институтд сурчана. Прораб Виктор Булычевин шунлта көдлмш — цуг тосхачнрт ўзмджтэ сан көдлмшин үлгүр үзүлджанэ.

С. НИЧИЛДЕЕВ